

Na osnovu planiranih sredstava u Budžetu za 2014.godinu u okviru pozicije Stimulisanje poljoprivredne proizvodnje i dinamičkog plana utroška sredstava namijenjenih za podsticaj poljoprivredne proizvodnje-gljivarska proizvodnja, Načelnik Općine Stari Grad Sarajevo objavljuje :

JAVNI POZIV

**za predaju zahtjeva u proizvodnji kultivisanih gljiva pod kontrolisanim uslovima
(šampinjoni ili bukovača ili medicinske gljive - shii take i dr.)**

1.PRAVO PRIJAVE NA JAVNI POZIV

Pravo podnošenja prijave za predaju zahtjeva u proizvodnji kultivisanih gljiva pod kontrolisanim uslovima imaju gazdinstva sa mjestom prebivališta i podnom površinom objekta za proizvodnju gljiva na području Općine Stari Grad.

2.USLOVI ZA ODABIR POLJOPRIVREDNOG GAZDINSTVA U PROIZVODNJI KULTIVISANIH GLJIVA POD KONTROLISANIM USLOVIMA

Pravo na odabir u proizvodnji kultivisanih gljiva pod kontrolisanim uslovima mogu ostvariti gazdinstva koja ispunjavaju navedene uslove:

Opći uslovi :

1. Da podnosilac zahtjeva ima mjesto prebivališta, zemljište i podnu površinu objekta minimum 20 m² za proizvodnju gljiva na području Općine Stari Grad.
2. Zakonski korisnik zemljišta (vlasnik, suvlasnik, nosilac prava korištenja i slično).
3. Da objekat pripada poljoprivrednom gazdinstvu, odnosno da je na posjedu gdje podnosilac zahtjeva stanuje.
4. Broj članova poljoprivrednog gazdinstva i da u okviru gazdinstva žive minimum dva radno sposobna člana.

Posebni uslovi:

1. Da poljoprivredno gazdinstvo u djelimično odgovarajućem objektu na 20 m² proizvodi tri turnusa gljiva šampinjona ili bukovače ili medicinskih gljiva - shii take i dr.
2. Da poljoprivredno gazdinstvo u djelimično uslovnom prostoru od 100 m² proizvodi tri turnusa gljiva šampinjona ili bukovače ili medicinskih gljiva - shii take i dr.
3. Da poljoprivredno gazdinstvo u uslovnom prostoru od 100 m² proizvodi šest turnusa gljiva šampinjona ili bukovače ili medicinskih gljiva - shii take i dr.
4. Da poljoprivredno gazdinstvo ima tradiciju u proizvodnji gljiva (prerada gljiva).

3.POTREBNA DOKUMENTACIJA

Uz zahtjev za odabir poljoprivrednog gazdinstva u proizvodnji kultivisanih gljiva pod kontrolisanim uslovima potrebno je priložiti dokaze o ispunjavanju uslova iz Javnog poziva kao i druge dokaze, originale ili ovjerene fotokopije dokumenata koji ne mogu biti stariji od 6 mjeseci:

1. Dokaz da je zakonski korisnik zemljišta: Prepis posjedovnog lista nadležne općinske službe ili kupoprodajni ugovor zakonski ovjeren.
2. Kopija lične karte i kopija prijave o mjestu boravka za podnosioca zahtjeva.
3. Kućna lista.

4. PODNOŠENJE ZAHTJEVA I DOKUMENATA

Obrasci zahtjeva za poljoprivredna gazdinstva u proizvodnji kultivisanih gljiva pod kontrolisanim uslovima mogu se podići u šalter Sali Općine Stari Grad. Zahtjevi sa pratećom dokumentacijom se predaju na šalteru protokola u zgradi Općine Stari Grad, ulica Zelenih beretki br.4, sa naznakom: Služba za privredu - Prijava na **Javni poziv za predaju zahtjeva u proizvodnji kultivisanih gljiva pod kontrolisanim uslovima (šampinjoni ili bukovača ili medicinske gljive - shii take i dr.).**

Sve dodatne informacije mogu se dobiti u Službi za privredu, soba 416, IV sprat.

5. PROCEDURA ODABIRA KORISNIKA

Proceduru odabira pristiglih zahtjeva izvršit će Komisija za odabir poljoprivrednog gazdinstva u proizvodnji kultivisanih gljiva pod kontrolisanim uslovima.

6. FINANSIJSKA SREDSTVA

U okviru pozicije Stimulisanje poljoprivredne proizvodnje - podsticaj gljivarskoj proizvodnji obezbjeđuju se sredstvima iz Budžeta Općine Stari Grad Sarajevo za 2014. godinu u različitom iznosu, za svaki pojedinačni zahtjev, konstatovanom zapisnički na terenu.

7. NAPOMENA

1. Zahtjevi sa nepotpunom dokumentacijom neće biti razmatrani.
2. Rok za podnošenje prijave na Javni poziv je 10 dana od dana njegovog objavljivanja.
3. Proceduru odabira pristiglih zahtjeva izvršit će Komisija za odabir poljoprivrednog gazdinstva u proizvodnji kultivisanih gljiva pod kontrolisanim uslovima. Odluku o izboru donosi Načelnik Općine Stari Grad na prijedlog Komisije.
4. O rezultatima Javnog poziva svi učesnici će biti obaviješteni putem Oglasne ploče Općine Stari Grad, a mogu se i lično informisati u Službi za privredu, soba 416, IV sprat.

OPĆINSKI NAČELNIK

mr. Ibrahim Hadžibajrić, s.r.

Sarajevo, 15.05.2014. godine